

Na osnovu člana 13. stav 2. alineja 17. Zakona o principima lokalne samouprave („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 170. Poslovnika Gradskog vijeća Tuzla („Službeni glasnik Grada Tuzla“, broj 7/17., 2/18. i 8/19.), a u vezi s Odlukom Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16. 3. 2020. godine, Gradsko vijeće Grada Tuzla, na sjednici od 26. marta 2020. godine, donosi

## **ODLUKU o izmjenama i dopunama Poslovnika Gradskog vijeća Tuzla**

### **Član 1.**

Iza člana 81. Poslovnika Gradskog vijeća Tuzla („Službeni glasnik Grada Tuzla“, broj 7/17., 2/18. i 8/19.) (u daljem tekstu: Poslovnik), dodaje se novo podpoglavlje h), koje nosi naziv:

„h) Zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID-19) na području Federacije Bosne i Hercegovine V.broj 408/2020 od 16. 3. 2020. godine.“

### **Član 2.**

Iza člana 81., dodaju se novi članovi 81.a, 81.b, 81.c, 81.d i 81.e, koji glase:

#### **„Član 81.a.**

Izuzetno od odredaba člana 58. i 59. Poslovnika za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID - 19) na području Federacije Bosne i Hercegovine V. broj 408/2020 od 16. 3. 2020. godine ( u daljem tekstu: stanje nesreće) zakazuju se i održavaju vanredne sjednice na način i pod uslovima propisanim odredbama članova 81.b, 81.c i 81.d Poslovnika.“

#### **„Član 81.b.**

Vanrednu sjednicu iz prethodnog člana Poslovnika zakazuje predsjedavajući ili zamjenik predsjedavajućeg Vijeća, samo na prijedlog Gradskog štaba civilne zaštite ili Gradonačelnika.

Poziv i materijali za sjednicu vijećnicima se šalju putem e-maila.

Poziv za sjednicu iz stava 2. ovog člana sadrži: pravni osnov za sazivanje vanredne sjednice, datum i vrijeme održavanja sjednice (sat i minut), dnevni red sjednice, rok s tačnom naznakom datuma i vremena (sata i minuta) do kada se vijećnici mogu pismeno izjasniti o tačkama dnevnog reda, kao i e-mail adresu na koju će vijećnici slati svoje izjašnjenje.“

#### **„Član 81.c**

Nakon slanja poziva i materijala za sjednicu na način propisan odredbama prethodnog člana Poslovnika, vijećnici su u roku iz člana 81.b. stav 3. Poslovnika, dužni su poslati e-mail sa svojim pisanim izjašnjenjem o svim predloženim tačkama dnevnog reda i to redoslijedom, kako su tačke dnevnog reda naznačene u pozivu za sjednicu iz prethodnog člana Poslovnika.

Vijećnici su dužni navesti broj i naziv tačke dnevnog reda i naznaku „GLASAM ZA“, „GLASAM PROTIV“ ili „GLASAM SUZDRŽAN“.

Po isteku roka naznačenog u pozivu za sjednicu iz člana 81.b. Poslovnika, smatrat će se da se vijećnik nije izjasnio.“

„Član 81.d.

Stručna služba vodi zapisnik o održanoj vanrednoj sjednici iz člana 81.a Poslovnika.

Zapisnik iz prethodnog stava ovog člana sadrži: datum i vrijeme održavanja vanredne sjednice iz člana 81. b Poslovnika, podatke o načinu upućivanja i prijema poziva za sjednicu, dnevni red, datum i tačno vrijeme glasanja i rezultate glasanja putem e-maila, te ime i prezime potpis sekretara Vijeća i uposlenika Stručne službe koji je sačinio zapisnik.

Stručna služba je vijećnicima, uz poziv i materijale sa sjednice, dužna dostaviti i zapisnik s prethodne sjednice u elektronskoj i printanoj formi.“

„Član 81.e.

Odredbе Odluke o izmjenama i dopunama Poslovnika Gradskog vijeća Tuzla, koje se odnose na zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju stanja nesreće prouzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16. 3. 2020. godine, primjenjuju se i na zakazivanje, održavanje i odlučivanje na sjednicama Kolegija Gradskog vijeća.“

**Član 3.**

Odluka stupa na snagu narednog dana od dana objavljivanja u „Službenom glasniku Grada Tuzla“.

**GRAD TUZLA**  
**Gradsko vijeće**  
**Broj: 01/04-A-4303-2020**  
**26. mart 2020. godine**

**PREDSJEDAVAJUĆI**  
  
**Nataša Perić, prof.**

## Obrazloženje

### Pravni osnov za donošenje Odluke

Pravni osnov za donošenje ove Odluke je član 13. stav 2. alineja 17. Zakona o principima lokalne samouprave („Službene novine Federacije Bosne i Hercegovine“, broj 49/06. i 51/09.), član 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i član 170. Poslovnika Gradskog vijeća Tuzla („Službeni glasnik Grada Tuzla“, broj 7/17., 2/18. i 8/19.) a u vezi sa Odlukom Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16.03.2020. godine.

### Razlozi za donošenje Odluke

Vlada Federacije Bosne i Hercegovine je zbog pandemije uzrokovane pojavom koronavirusa (COVID-19), donijela Odluku Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16.03.2020. godine.

Nakon donošenja ove odluke, Federalni štab CZ donijeli su više naredbi i preporuka, koji se tiču ograničavanja kretanja i sprečavanje bilo kakvih socijalnih kontakata, kojima će se ugroziti život i zdravlje građana na teritoriji Federacije BiH, a sve sa ciljem zaštite stanovništva od zaraze uzrokovane pojavom koronavirusa, te naredbe kojima se nalaže rastojanje od najmanje 1,5 metara.

Postojanje objektivne i potencijalne opasnosti za život i zdravlje građana Tuzle i samih vijećnika Gradskog vijeća su razlozi zbog kojih se sjednice Gradskog vijeća Tuzla ne bi trebale zakazivati u Gradskoj vijećnici, pa je to i razlog za donošenje ove Odluke.

Nakon što je donesena Naredba o zabrani kretanja, broj 12-40-6-146-36-20 od 21.03.2020. godine, kojom je zabranjeno kretanje svim građanima između 18 sati uvečer i 6 sati ujutro, najavljena je i mogućnost potpune zabrane kretanja za građane FBiH, što će vijećnike onemogućiti da se sastanu i donesu bilo kakve odluke.

Za to vrijeme život ne može stati, jer pojedine odluke od značaja za život i rad naših građana, posebno **što pojedine od odluka**, koje su bitne za sprečavanje i suzbijanje pandemije uzrokovane koronavirusom (COVID-19) ne može donijeti Gradonačelnik ili Gradski štab civilne zaštite, već samo Gradsko vijeće, koje je nadležno za iste.

Ovom Odlukom omogućava se da poziv za sjednicu i materijali za sjednicu dostavljaju putem e-maila, da se glasanje vrši putem e-maila, o čemu Stručna služba Gradskog vijeća sačinjava zapisnik.

### Pojašnjenje pojedinih odredbi Odluke

Članom 1. Odluke dodaje se novo podpoglavlje h), koje nosi naziv: „h“) Zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16.03.2020. godine

Članom 2. (kojim se uvodi član 81.a.) Odluke utvrđuje se izuzetak od odredaba člana 58. i 59. Poslovnika za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16.03.2020. godine (u daljem tekstu: stanje nesreće), prema kojima se zakazuju i održavaju vanredne sjednice na način i pod uslovima propisanim odredbama članova 81.b, 81.c i 81.d, Poslovnika.

Članom 2 Odluke, (kojim se uvodi član 81.b.) propisuje se, da vanrednu sjednicu iz prethodnog člana Poslovnika, zakazuje predsjedavajući ili zamjenik predsjedavajućeg Vijeća samo na prijedlog Gradskog štaba civilne zaštite ili Gradonačelnika. Poziv i materijali za sjednicu vijećnicima se šalju putem e-maila, te se definiše sadržaj poziva za vanrednu sjednicu.

Članom 2. Odluke, (kojim se uvodi član 81.c.), određeno je da su nakon slanja poziva i materijala za sjednicu na način propisan odredbama prethodnog člana Poslovnika, vijećnici dužni su poslati e-mail sa svojim pismenim izjašnjenjem o svim predloženim tačkama dnevnog reda i to redosljedom, kako su tačke dnevnog reda naznačene u pozivu za sjednicu iz prethodnog člana Poslovnika. Vijećnici su dužni navesti broj i naziv tačke dnevnog reda i naznaku „GLASAM ZA“ ili „GLASAM PROTIV“ ili „GLASAM SUZDRŽAN“. Po isteku roka naznačenog u pozivu za sjednicu iz člana 81.b. Poslovnika, smatrat će se da se vijećnik nije izjasnio.

Članom 2. Odluke, (kojim se uvodi član 81.d.), određeno je da Stručna služba vodi zapisnik o održanoj vanrednoj sjednici iz člana 81.b. i 81.c. Poslovnika, sadržina istog, način potpisivanja zapisnika i način čuvanja poziva, materijala za sjednicu i zapisnika.

Članom 3. Odluke definiše se njeno stupanje na snagu.

**OBRADIVAČ**

**Stručna služba Gradskog vijeća**